



**27 de outubro de 2010.** ADEGA vén de solicitar **amparo ao Valedor do Pobo** para que inste á Xunta a convocar con carácter urxente o

### **Observatorio Galego da Biodiversidade**

. Este organismo consultivo, integrado polas 3 universidades galegas, ecoloxistas e a administración, leva sen reunirse 2 anos e 3 meses cando por lei debe facelo anualmente. As reiteradas peticións feitas por ADEGA, a SGHN e a USC, para tratar temas chave para a conservación da nosa biodiversidade seguen sen ser atendidas pola D. X. de Conservación. Esta

### **actitude escurantista e autoritaria**

é froito da incompetencia e completa desidia que amosa a Xunta pola nosa natureza, precisamente no Ano Internacional da Biodiversidade.

[Espazos protexidos sen instrumentos de xestión](#)

, proxectos agresivos e

[lumes en Rede Natura](#)

,

[asalto urbanístico a Corrubedo](#)

,

[barra libre para a caza](#)

... Nestes intres,

**o principal risco para a biodiversidade galega é a Xunta!**

[Queixa VALEDOR \(121RB\)](#)

A crónica do escurantismo e do incumprimento do artigo 4.1 Decreto 260/2007 (criazón e funcionamento do Observatorio) por parte da D. X. de Conservación da Natureza (Medio Rural) é a seguinte:

-En maio de 2010 a SGHN (Sociedade Galega de Historia Natural) solicitou a reunión do Observatorio Galego da Biodiversidade porque un [proxecto de "acondicionamento" en Dodro](#) , en pleno LIC Ulla-Deza, tamén alegado por ADEGA, puña en grave risco o 3% da poboación mundial da escribenta da canaveiras (

*Emberiza schoeniclus*

subesp.

*lusitanica*

).

-Hai case dous meses, ADEGA solicitou novamente a reunión do Observatorio para debater a proposta, avalada cun informe asinado por máis de 30 investigadores e profesores universitarios, de creación do Parque Natural para o Monte Pindo, un dos espazos galegos de maior biodiversidade e interese ambiental.

-O Departamento de Botánica da USC solicitou tamén a reunión do observatorio para a catalogación do fento *Cheilanthes guanchica* como especie protexida polas súas escasas poboacións en Galiza, limitadas á Ribeira Sacra e illadas do resto das poboacións distribuídas pola rexión macaronésica (Madeira, Canarias, Acores e Cabo Verde).

A respecto da solicitude de ADEGA para tratar a proposta de creación dun Parque Natural no Monte Pindo, a D.X. de Conservación da Natureza respostou que "en breve", convocaríase unha reunión sobre o tema. Porén, e logo de que a proposta colleitara entusiastas apoios da veciñanza, sectores económicos, institucións... seguimos sen noticias do Sr. Borregón, tan só recibimos a calada como resposta, ao igual que as outras peticións dos membros do Observatorio. Deste xeito, ADEGA recorre ao Valedor do Pobo para que afee a conduta da Xunta e ínstalle a cumprir a lexislación vixente.

Nestes intreos, a inacción e a desidia da Xunta en materia ambiental -consentidora das políticas de feitos consumados- constitúe o principal risco para a natureza galega. Non nos vale a excusa da "austeridá": anuláanse orzamentos imprescindíbeis para a biodiversidade (sabemos que os Planos de Conservación están paralisados por falta de fondos) mentres gástanse [8 millóns de € nun "ecomausoleo"](#)

. No Ano Internacional da Biodiversidade, a Xunta retrátase coa incompetencia, a inacción e a censura.